

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva unutrašnjih poslova, Vlada Zeničko-dobojskog kantona, na 24. sjednici, održanoj dana 27.08.2015. godine, donosi

ZAKLJUČAK

I.

Prihvata se Informacija o stanju bezbjednosti na području Kantona za prvo polugodište 2015. godine.

II.

Informacija iz tačke I. ovog zaključka sastavni je dio ovog zaključka.

III.

Zaključak stupa na snagu danom donošenja.

Broj: 02-_____/15.
Datum, 27.08.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo unutrašnjih poslova,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A**

***I N F O R M A C I J A
o stanju bezbjednosti na području Kantona
za prvo polugodište 2015. godine***

Zenica, august 2015. godine

1. UVOD

Informacija o stanju bezbjednosti tokom prvog polugodišta 2015. godine izrađena je na osnovu statističkih pokazatelja i izvještaja o radu dostavljenih od strane organizacionih jedinica Ministarstva unutrašnjih poslova Zeničko-dobojskog kantona.

Rad svih organizacionih jedinica Ministarstva odvijao se u skladu sa ovlaštenjima propisanim zakonima i podzakonskim aktima. Službenici Ministarstva su, u domenu svojih nadležnosti, analizirali, pratili i procjenjivali stanje bezbjednosti na području Kantona, vršili interno i eksterno informisanje i izrađivali statističke i analitičke izvještaje o radu. Takođe su izrađivane analize i informacije te dostavljani statistički podaci po zahtjevima drugih institucija, agencija za sprovođenje zakona i drugih subjekata.

Usvajene su izmjene i dopune Pravilnika o unutrašnjoj organizaciji Ministarstva unutrašnjih poslova Zeničko-dobojskog kantona. Donesene su i izmjene i dopune Pravilnika o plaćama, naknadama i drugim materijalnim pravima koja nemaju karakter plaće rukovodećih i ostalih državnih službenika i namještenika Ministarstva unutrašnjih poslova Zeničko-dobojskog kantona, koje su rezultat usvojenih izmjena i dopuna Pravilnika o unutrašnjoj organizaciji MUP-a ZDK. Pripremljen je tekst Prijedloga Uredbe o izmjeni Uredbe o obliku, sadržaju i izgledu policijske iskaznice i značke policijskih službenika Zeničko-dobojskog kantona i isti upućen Vladi ZDK na usvajanje.

Službenici ovog Ministarstva su blagovremeno postupali po zahtjevima nadležnih tužilaštava i sudova u vezi sa preduzimanjem mjera i radnji u skladu sa naredbama i nalogima, zatim po zahtjevima kantonalnih MUP-ova, FMUP-a i MUP-a RS-a, te po zahtjevima drugih organa. Odgovarano je na poslanička pitanja i inicijative poslanika Skupštine Zeničko-dobojskog kantona i drugih nivoa vlasti.

Policijske uprave i policijske stanice su radile na poslovima i zadacima koji se odnose na zaštitu života ljudi i imovine, upravnim poslovima i zadacima, zatim na sprječavanju činjenja krivičnih djela i otkrivanju počilaca, održavanju javnog reda i mira, poslovima na kontroli i regulisanju saobraćaja na putevima, te vršile i zaštitu određenih lica i objekata, kontrolu prometa eksplozivnih materija, zapaljivih tečnosti i gasova i sl.

Analizom događaja iz mjeseca februara i marta 2015. godine na području PU II PS Visoko, policijski službenici Odsjeka za krim-obavještajni rad su, u saradnji sa policijskim službenicima PS Visoko i PS Breza, izvršili cjelovitu analizu aktivnosti kriminalnih grupa i pojedinaca na ovom području, o čemu je sačinjena informacija, te je shodno tome obavljena konsultacija sa glavnom tužiteljicom Kantonalnog tužilaštva ZDK. Intenzivnim radom na terenu došlo se do saznanja o počinocima 16 KD, i to 14 "teških krađa", 1 "ugrožavanja sigurnosti" i 1 "iznude".

Od ureda "Krimolovac" Sarajevo zaprimljeno je 16 informacija o raznim vrstama kriminalnih aktivnosti. Odgovoreno je na 12 informacija od kojih je 8 tačnih, 4 informacije su netačne, dok je rad po ostalim informacijama u toku.

Učestvovano je u organizaciji kampanje "Rad policije u zajednici / borba protiv nasilja u porodici" u organizaciji ICITAP-a BiH.

Policijski službenici su blagovremeno postupali po svim naredbama KT ZDK za provođenje određenih istražnih radnji vezanih za ratna dešavanja na područjima koja su naznačena u naredbama, te su pružali pomoć drugim agencijama za provođenje zakona. Takođe su postupali po naredbama za provođenje postupaka pretraga terena, ekshumacija, reekshumacija, identifikacija i uzimanja rezervnih uzoraka kostiju posmrtnih ostataka žrtava rata na području ZDK.

Odsjek za unutrašnju kontrolu je u prvih šest mjeseci ove godine zaprimio 43 predstavke na rad policijskih službenika, odnosno na rad organizacionih jedinica iz sastava MUP-a ZDK. U potpunosti je okončana 31 predstava, dok je 12 u fazi rada u pomenutom Odsjeku ili u fazi odlučivanja kod Ureda za pritužbe javnosti. Od strane građana je podneseno 36 predstavi, 4 predstave su podnesene od strane rukovodilaca organizacionih jedinica iz sastava ovog Ministarstva, 2 predstave su podnesene od strane anonimnih podnosilaca i po jednoj predstavi je postupljeno po službenoj dužnosti.

U periodu na koji se Izvještaj odnosi okončana je procedura za unapređenje policijskih službenika gdje je u viši čin unaprijeđeno 46 policijskih službenika (2 u čin glavni inspektor, 1 u čin samostalni inspektor, 4 u čin viši inspektor, 2 u čin inspektor, 20 u čin stariji narednik, 13 u čin narednik i 4 u čin stariji policajac). U mjesecu februaru raspisan je Javni oglas za prijem 60 policijskih službenika u početni čin policajac.

Poduzimani su poslovi i zadaci na obezbjeđenju velikog broja javnih skupova povodom državnih i vjerskih praznika, kao i velikog broja manifestacija zabavnog, vjerskog i kulturnog karaktera („Čimburijada“, „Sveti Ivo“, „Dani Ajvatovice“, „Dan djeteta“ u organizaciji Republike Turske, koncerti u Gradskoj Areni Zenica itd.). Vršeno je obezbjeđenje sportskih manifestacija međunarodnog karaktera (biciklistička trka Beograd - Banja Luka u kojoj je učestvovalo oko 250 takmičara iz oko 30 zemalja, nogometna utakmice između reprezentacija BiH i Izraela, nogometnih utakmica Premijer lige, Biciklističke utrke „Sarajevo Grand Prix 2015.“). Uspješno su izvršene i realizirane sve mjere i radnje na obezbjeđenju posjete poglavara Katoličke crkve, Pape Franje, Bosni i Hercegovini, te prilikom posjeta drugih visokih ličnosti (predsjedavajući OSCE-a, ambasador Republike Turske, potpredsjednik Vlade i ministar unutrašnjih poslova Republike Hrvatske itd.). Takođe je postupljeno po Planu FMUP-a i zavedenoj akciji „Srebrenica 2015.“ povodom obilježavanja godišnjice genocida nad građanima Srebrenice i ukopa žrtava. U toku mjeseca maja rađeno je na pripremi i organizaciji „Dana policije 2015. godine“.

Javnost je redovno obavještavana o dnevnim i vanrednim događanjima na području Kantona, te su data 93 saopćenja za javnost, izrađena 502 dnevna izvještaja, 548 posebnih izvještaja i izjava za medije. Vršena je redovna komunikacija sa medijima, građanima, udruženjima i drugim subjektima, te su istim, u skladu sa dostavljenim zahtjevima, ustupani traženi podaci i sačinjavane informacije.

U Ministarstvu je na kraju juna 2015. godine bilo zaposleno 1.466 uposlenika od čega 998 policijskih službenika, 53 državna službenika i 415 namještenika.

2. STANJE BEZBJEDNOSTI U PRVOJ POLOVINI 2015. GODINE

Stanje bezbjednosti na području Zeničko-dobojskog kantona tokom prvih šest mjeseci 2015. godine predstavljeno je kroz analize javnog reda i mira, kriminaliteta i bezbjednosti saobraćaja, po policijskim upravama, odnosno stanicama, kao i kroz analizu ostalih parametara datih u ovoj Informaciji.

2.1. JAVNI RED I MIR

U prvih šest mjeseci ove godine evidentirana su 1.293 slučaja narušavanja javnog reda i mira u kojima je učestvovalo 1.409 lica. Najveći broj prekršaja je evidentiran na području PU Zenica (584), a najmanji na području PS Vareš (13).

Javni red i mir je u 422 slučaja narušen tučom, u 325 slučajeva naročito drskim ponašanjem, u 102 slučaja omalovažavanjem policijskih službenika, u 76 slučajeva svadom, vikom i nepristojnim ponašanjem, dok se u 368 slučajeva radilo o ostalim prekršajima.

Stanje javnog reda i mira u prvom polugodištu 2015. godine po pol. upravama/stanicama

PU/PS	Broj prekršaja JRM	Broj počinitelaca	Svada, vika, nepriстойno ponašanje	Tuče i fizički napadi	Naročito drsko ponašanje	Odbijanje naređenja i omalovažavanje pol.sl	Ostali prekršaji	Ugostiteljski objekti	Ulice, trgovi, putevi i drugi otvoreni prostori	Sportski stadioni i dvorane	Ostala mjesta
PU I (ZENICA)	584	584	22	225	120	47	170	22	471	10	81
PS VISOKO	137	159	8	40	55	8	26	19	57	-	61
PS KAKANJ	66	84	5	19	21	1	20	5	54	-	7
PS BREZA	65	72	1	33	15	7	9	19	43	1	2
PS ZAVIDOVIĆI	106	109	11	24	20	12	39	9	57	-	40
PS MAGLAJ	49	63	4	2	17	7	19	1	28	-	20
PU ŽEPČE	69	80	5	18	28	10	8	11	52	2	4
PS TEŠANJ	150	178	11	41	33	8	57	17	83	1	49
PS USORA	16	20	4	6	2	-	4	1	4	1	10
PS DOBOJ JUG	21	22	2	3	5	-	11	2	6	-	13
PS OLOVO	17	25	-	3	7	2	5	2	2	-	13
PS VAREŠ	13	13	3	8	2	-	-	4	8	-	1
UKUPNO	1.293	1.409	76	422	325	102	368	112	865	15	301

Od ukupnog broja prekršaja, 398 je počinjeno od strane povratnika u vršenju prekršaja, 49 od strane maloljetnika, 1 od strane stranih državljanja i 845 od strane ostalih lica.

Posljedice prekršaja su 199 povrijeđenih lica, od kojih 42 povratnika u vršenju prekršaja, 21 maloljetnik i 136 ostalih lica.


Stanje javnog reda u periodu januar - juni 2015. godine sa uporednim podacima iz dvije prethodne godine

Period	Broj prekršaja	Broj učinilaca	Tuče	Naročito drsko ponašanje	Omalovažavanje pol. službenika	Ugostiteljski objekti	Ulica	Posljedice Povrijeđeni
Januar –juni 2013. godine	1.670	1.883	558	283	178	177	1.047	240
Januar –juni 2014. godine	1.429	1.714	473	309	130	108	916	261
Januar –juni 2015. godine	1.293	1.409	422	325	102	112	865	199

U prvom polugodištu 2015. godine, u odnosu na isti period prethodne godine, evidentan je manji broj prekršaja javnog reda i mira i to za 136 prekršaja ili 9,5%. Broj prekršaja tučom je manji za 51 prekršaj ili 10,8%, broj prekršaja naročito drskim ponašanjem je veći za 16 prekršaja ili 5,2%, dok je broj prekršaja omalovažavanjem policijskih službenika manji za 28 prekršaja ili 21,5%.

Prilikom narušavanja javnog reda i mira povrijeđeno je 199 lica, što je za 62 lica ili 23,8% manje nego u istom periodu prethodne godine.

Grafički prikaz prekršaja javnog reda i mira u posljednje tri godine



a) Operativne aktivnosti policije

Zabilježeno je 665 slučajeva privođenja lica i tom prilikom je privedeno 690 lica. Sprovedena su 74 lica, zadržano 616 i provjeren identitet za 4.773 lica.

Izvršeno je 2.679 uviđaja, 62 pretresa stanova, 5 pretresa ugostiteljskih objekata, 8 pretresa drugih prostorija, te 823 pregleda lica i 221 pregled motornih vozila. Oduzeto je 1.217 predmeta, uhvaćen je 1 odbjegli osuđenik i 12 lica po potjernici.

Službenici policije su samostalno rasvijetlili 145 krivičnih djela, a zajedno sa službenicima kriminalističke policije 507 krivičnih djela. Sačinjene su 1.522 službene zabilješke koje sadrže sumnje za postojanje krivičnih djela. Izvršeno je 1.415 provjera na zahtjev tužilaštva i sudova i 1.498 provjera na zahtjev drugih organa.

Pruženo je 220 asistencija, od kojih 54 po zahtjevima državnih organa, 130 po zahtjevima organa i organizacija javnih ovlaštenja i 36 po ostalim zahtjevima. Izvršena su 984 vanredna i 3.795 redovnih osiguranja, te organizirano obezbjeđenje 665 javnih skupova.

b) Protestni skupovi, štrajkovi i blokade

U periodu januar-juni 2015. godine, na području Zeničko-dobojskog kantona evidentirano je 19 protestnih skupova, i to na području PS Centar 12, PS Vareš 3, PS Visoko 2 i PS Maglaj 2.

Protestni skupovi na području PS Centar su bili u organizaciji uposlenika RMK Promet, Plenuma građana, porodilja, studenata, radnika „Veleprometa“, radnika „Metalnog“ Zenica, radnika Zelene pijace, MZ Tetovo, te u organizaciji dobitnika ratnih priznanja. Na području PS Visoko protestni skupovi su bili u organizaciji Sidikata radnika „Vitex“ Visoko i KTK Visoko, na području PS Vareš, protesti su bili u organizaciji radnika TRD, Sindikata Rudnika željezne rude Vareš i Sindikata Općine Vareš i na području PS Maglaj su evidentirana 2 protestna okupljanja nezadovoljnih građana. U protestima je učestvovalo od 15 do 150 učesnika, a narušavanja javnog reda i mira nije bilo.

2.2. KRIMINALITET

Prema Krivičnom zakonu BiH nije bilo prijavljenih krivičnih djela, dok su prema Krivičnom zakonu FBiH prijavljena 1.523 krivična djela, te prema drugim posebnim zakonima, odnosno prema Zakonu o nabavljanju, držanju i nošenju oružja i municije Zeničko-dobojskog kantona, 12 krivičnih djela.

Struktura krivičnih djela prema KZ FBiH i drugim posebnim zakonima u poređenju sa podacima iz dvije prethodne godine

Red. br.	Naziv krivičnih djela po KZFBiH	Januar – juni 2013. godine		Januar – juni 2014. godine		Januar – juni 2015. godine	
		Ukupno KD	Rasvije-tljenost	Ukupno KD	Rasvije-tljenost	Ukupno KD	Rasvije-tljenost
1.	KD protiv života i tijela (čl. 166-176)	83	100%	57	86%	45	86,7%
	- ubistvo	3	100%	2	100%	1	100%
	- ubistvo u pokušaju	3	100%	6	100%	4	75%
	- teška tjelesna povreda	50	100%	30	80%	27	74,1%
	- laka tjelesna povreda	22	100%	8	100%	13	92,3%
	- učestvovanje u tuči	5	100%	11	72,7%	-	-
2.	KD protiv slobode i prava čovjeka i građanina (čl. 177-199)	55	100%	57	84,2%	50	66%
	- protupravno lišenje slobode	2	100%	1	100%	1	100%
	- zlostavljanje u obavljanju službe	4	100%	-	-	-	-
	- ugrožavanje sigurnosti	44	100%	49	77,6%	45	60%
	- narušavanje nepovredivosti doma	5	100%	5	100%	3	100%
	- neovlašteno prisluškivanje i zvučno snimanje	-	-	-	-	1	100%
	- izborna prevara	-	-	2	100%	-	-

3.	KD protiv dostojanstva ličnosti i morala (čl.203-213)	9	100%	11	100%	12	91,7%
	- silovanje	2	100%	2	100%	3	100%
	- spolni odnošaj sa djetetom	3	100%	2	100%	4	100%
	- bludne radnje	2	100%	7	100%	2	100%
	- navođenje na prostituciju	-	-	-	-	1	100%
	- iskorištavanje djeteta ili maloljetnika radi pornografije	2	100%	-	-	1	0%
	- rodoskrvnuće	-	-	-	-	1	100%
4.	KD protiv braka, porodice i mladeži (čl.214-224)	61	100%	61	100%	69	100%
	- zapuštanje ili zlostavljanje djeteta ili maloljetnika	-	-	1	100%	-	-
	- nasilje u porodici	61	100%	59	100%	69	100%
	- izbjegavanje izdržavanja	-	-	1	100%	-	-
5.	KD protiv zdravlja ljudi (čl.225-240)	136	80,1%	97	100%	100	93%
	- neovlaštena proizvodnja i stavljanje u promet opojnih droga	32	78,1%	23	87%	23	82,6%
	- posjedovanje i omogućavanje uživanja opojnih droga	104	81,7%	74	100%	77	96,1%
6.	KD protiv privrede, poslovanja i sigurnosti platnog prometa (čl.241-272)	8	100%	4	100%	8	87,5%
	- oštećenje povjeritelja	-	-	-	-	2	100%
	- zloupotreba ovlasti u privrednom poslovanju	1	100%	-	-	-	-
	- prevara u privrednom poslovanju	1	100%	-	-	1	100%
	- krivotvorenje kreditnih i ostalih kartica	-	-	-	-	1	0%
	- bezgotovinskog plaćanja	-	-	-	-	1	0%
	- krivotvorenje ili uništenje poslovnih ili trgovačkih knjiga ili isprava	-	-	1	100%	-	-
	- nedozvoljena trgovina	-	-	-	-	1	100%
	- obmana pri dobijanju kredita ili drugih pogodnosti	6	100%	3	100%	3	100%
7.	KD protiv radnih odnosa (čl.279-285)	1	100%	-	-	2	100%
	- povreda ravnopravnosti u zapošljavanju	-	-	-	-	1	100%
	- povreda prava iz radnog odnosa	1	100%	-	-	-	-
	- povreda prava iz socijalnog osiguranja	-	-	-	-	1	100%

8.	KD protiv imovine (čl.286-302)	1064	48,9%	986	51,3%	867	49,6%
	- krađa	193	67,4%	234	58,1%	262	64,5%
	- teška krađa	726	38,8%	585	40,2%	425	36,2%
	- razbojnička krađa	4	50%	2	50%	4	0%
	- razbojništvo	33	36,4%	44	81,8%	45	40%
	- utaja	6	100%	9	100%	15	80%
	- oduzimanje tuđe pokretnine	12	25%	6	66,7%	5	60%
	- oštećenje tuđe stvari	53	88,7%	51	68,6%	65	60%
	- prevara	14	92,9%	38	89,5%	28	78,6%
	- iznuda	5	100%	1	0%	1	0%
	- ucjena	2	100%	-	-	-	-
	- lihvarstvo	-	-	1	100%	-	-
	- prevara povjeritelja	-	-	3	100%	-	-
	- prikrivanje	11	100%	5	100%	10	100%
	- paljevina	5	20%	7	57,1%	7	28,6%
9.	KD protiv okoliša, poljoprivrede i prirodnih dobara (čl.303-322)	110	85,5%	107	96,3%	82	90,2%
	- šumska krađa	105	86,7%	104	97,1%	82	90,2%
	- mučenje ili ubijanje životinje	3	33,3%	1	100%	-	-
	- protuzakoniti lov	1	100%	2	50%	-	-
	- protuzakoniti ribolov	1	100%	-	-	-	-
10.	KD protiv opće sigurnosti ljudi i imovine (čl. 323-331)	59	49,2%	42	45,2%	42	61,9%
	- izazivanje opće opasnosti	50	44%	36	38,9%	32	56,3%
	- uništenje ili oštećenje važnih privrednih objekata ili javnih naprava	7	85,7%	1	0%	2	50%
	- nesavjesno čuvanje pasa i drugih opasnih životinja	2	50%	5	100%	1	100%
	- teška krivična djela protiv opće sigurnosti ljudi i imovine	-	-	-	-	5	80%
	- nepropisni prijevoz eksplozivnog i zapaljivog materijala	-	-	-	-	2	100%
11.	KD protiv sigurnosti javnog prometa (čl.332-337)	75	100%	59	100%	66	100%
	- ugrožavanje javnog prometa	18	100%	4	100%	-	-
	- ugrožavanje javnog prometa zbog omamljenosti	7	100%	1	100%	4	100%
	- ugrožavanje javnog prometa opasnom radnjom	-	-	1	100%	-	-
	- teška krivična djela protiv sigurnosti javnog prometa	49	91,8%	50	100%	57	100%
	- neukazivanje pomoći osobi povrijeđenoj u prometnoj nezgodi	1	100%	3	100%	5	100%
12.	KD protiv pravosuđa (čl.338-357)	10	100%	4	50%	3	100%
	- pripremanje krivičnog djela	-	-	1	100%	-	-
	- lažno prijavljivanje	8	100%	3	33,3%	2	100%
	- neizvršenje sudske odluke	2	100%	-	-	1	100%

13.	KD protiv javnog reda i pravnog prometa (čl.358-379)	146	100%	160	97,5%	157	86,6%
	- sprečavanje službene osobe u vršenju službene radnje	6	100%	5	60%	11	90,9%
	- napad na službenu osobu u vršenju poslova sigurnosti	7	100%	12	100%	4	100%
	- nasilničko ponašanje	39	100%	30	90%	41	73,2%
	- skidanje ili povreda službenog pečata ili znaka	1	100%	3	100%	2	50%
	- oduzimanje ili uništenje služb. pečata ili znaka	1	100%	-	-	-	-
	- samovlašće	1	100%	2	100%	-	-
	- nedozvoljeno držanje oružja ili eksplozivnih materija	30	100%	24	91,7%	20	85%
	- krivotvorenje isprave	57	100%	83	100%	47	100%
	- posebni slučajevi krivotvorenja isprave	1	100%	-	-	29	72,4%
	- ovjeravanje neistinitog sadržaja	-	-	1	100%	2	50%
	- povreda mira pokojnika	3	33,3%	-	-	1	0%
14.	KD podmićivanja i krivič. djela protiv službene i druge odgovorne funkcije (čl.380-392)	14	100%	6	100%	20	100%
	- primanje dara i drugih oblika koristi	-	-	-	-	1	100%
	- davanje dara i drugih oblika koristi	-	-	-	-	1	100%
	- zloupotreba položaja ili ovlaštenja	10	100%	4	100%	11	100%
	- pronevjera u službi	2	100%	1	100%	3	100%
	- prevara u službi	-	-	-	-	1	100%
	- nesavjestan rad u službi	-	-	-	-	2	100%
	- krivotvorenje službene isprave	2	100%	1	100%	1	100%
15.	KD iz drugih posebnih Zakona (Zakon o nabav., držanju i nošenju oružja i municije (čl.52. i čl.53.))	14	100%	17	88,2%	12	100%
16.	U K U P N O	1.845	68,8%	1.670	69%	1.535	68%

U izvještajnom periodu, prijavljeno je 1.535 krivičnih djela od kojih 427 ili 27,8% po poznatom i 1.108 ili 72,2% po nepoznatom počiniocu. Najviše krivičnih djela je zabilježeno na području PU Zenica (562), a najmanje na području PS Usora (15).

Pregled kriminaliteta u periodu januar – juni 2015. godine po pol. upravama/stanicama

PODRUČJE	Broj krivičnih djela	Po poznatom	Po nepoznatom	Rasvjetlj. po nepoznatom	Procenat ukupne rasvjetlj. po nepoznatom	Ukupno rasvjetlj. KD	Procenat ukupne rasvjetlj.
PU I (ZENICA)	562	55	507	283	55,8%	338	60,1%
PS VISOKO	155	24	131	76	58%	100	64,5%
PS KAKANJ	154	33	121	75	62%	108	70,1%
PS BREZA	59	38	21	9	42,9%	47	79,7%
PS ZAVIDOVIĆI	121	46	75	38	50,7%	84	69,4%
PS MAGLAJ	102	43	59	35	59,3%	78	76,5%
PU ŽEPČE	73	38	35	18	51,4%	56	76,7%
PS TEŠANJ	152	47	105	65	61,9%	112	73,7%
PS USORA	15	2	13	5	38,5%	7	46,7%
PS DOBOJ JUG	16	12	4	3	75%	15	93,8%
PS OLOVO	49	25	24	9	37,5%	34	69,4%
PS VAREŠ	20	12	8	1	12,5%	13	65%
SJEDIŠTE	57	52	5	0	0%	52	91,2%
UKUPNO	1.535	427	1.108	617	55,7%	1.044	68%

Od ukupnog broja krivičnih djela po nepoznatom počiniocu, naknadno je rasvjetljeno 617 krivičnih djela ili 55,7%. Ukupna rasvjetljenost je 1.044 krivična djela ili 68%.

Zbog postojanja osnova sumnje da su počinili krivična djela, nadležnom tužilaštvu je prijavljeno 1.270 lica od kojih 542 povratnika u vršenju krivičnih djela i 64 maloljetnika.

Stanje kriminaliteta u periodu januar - juni 2015. godine sa uporednim podacima iz dvije prethodne godine


Period	Broj krivičnih djela	Po poznatom	Po nepoznat.	Rasvjetlj. po nepoznat.	Procenat rasvjetlj.	Ukupna rasvjet.	Procenat ukupne rasvjetlj.	Br. prijavljenih lica	Maloljetnici	Povratnici
Januar-juni 2013. godine	1.847	544	1.303	725	55,6%	1.269	68,7%	1.465	86	688
Januar-juni 2014. godine	1.672	508	1.164	645	55,4%	1.153	69%	1.403	71	597
Januar-juni 2015. godine	1.535	427	1.108	617	55,7%	1.044	68%	1.270	64	542

U izvještajnom periodu prijavljena su 64 maloljetna počinioa krivičnih djela, što je za 7 lica ili 9,9% manje nego u istom periodu prethodne godine.

Maloljetnici su prijavljeni za slijedeća krivična djela:

- o „učestvovanje u tuči“ (1 počinilac)
- o „narušavanje nepovredivosti doma“ (2 počinioa)
- o „spolni odnošaj sa djetetom“ (1 počinilac)
- o „neovlaštena proizvodnja i stavljanje u promet opojnih droga“ (1 počinilac)
- o „posjedovanje i omogućavanje uživanja opojnih droga“ (4 počinioa)
- o „krađa“ (18 počinilaca)
- o „teška krađa“ (29 počinilaca)
- o „razbojništvo“ (3 počinioa)
- o „šumska krađa“ (1 počinilac)
- o „teška krivična djela protiv sigurnosti javnog prometa“ (1 počinilac)
- o „lažno prijavljivanje“ (1 počinilac)
- o „nasilničko ponašanje“ (1 počinilac)
- o „krivotvorenje isprave“ (1 počinilac)

Grafički prikaz krivičnih djela u posljednje tri godine



Kako se može vidjeti iz prethodne tabele i dijagrama, u prvom polugodištu 2015. godine evidentirano je smanjenje kriminaliteta u odnosu na uporedne periode iz dvije prethodne godine. Broj prijavljenih krivičnih djela, u odnosu na isti period prethodne godine, manji je za 137 krivičnih djela ili 8,2%. Rasvijetljenost po nepoznatom počinioa je veća za 0,3%, dok je ukupna rasvijetljenost krivičnih djela manja za 1%.

a) Krivična djela protiv života i tijela

Iz ove skupine krivičnih djela definisanih Krivičnim zakonom FBiH, prijavljeno je 45 krivičnih djela, a njihova rasvijetljenost je 86,7%. Za ova krivična djela Tužilaštvu je prijavljeno 66 lica, od kojih 35 povratnika u vršenju krivičnih djela i 1 maloljetnik. Slobode je lišeno 31 lice, a za 29 je određena mjera zadržavanja do 24 sata.

Od teških krivičnih djela iz ove skupine počinjeno je 1 krivično djelo "ubistvo" koje je rasvijetljeno. Počinjena su 4 krivična djela „ubistvo u pokušaju“.

Tokom prvog polugodišta 2015. godine, na području Zeničko-dobojskog kantona evidentirano je 20 samoubistava. Po načinu izvršenja, 13 samoubistava je izvršeno vješanjem, 2 vatrenim oružjem, 2 oštrim predmetom, 1 utapanjem, 1 trovanjem i 1 trovanjem izduvnim plinovima automobila.

Po spolnoj strukturi, 16 samoubistava su izvršili muškarci i 4 žene.

Po starosnoj dobi, 6 samoubistava su izvršile osobe starosti od 50 do 60 godina, 4 od 40 do 50 godina, 4 od 60 do 70 godina, 3 preko 80 godina, 1 od 70 do 80 godina, 1 od 25 do 30 godina i 1 od 18 do 24 godine.

b) Krivična djela protiv slobode i prava čovjeka i građanina

Iz ove skupine počinjeno je 50 krivičnih djela. Ukupna rasvijetljenost je 66%. Za navedena krivična djela nadležnom tužilaštvu prijavljeno je 38 lica, od kojih 12 povratnika u vršenju krivičnih djela i 2 maloljetnika. Slobode je lišeno 12 lica i određena im je mjera zadržavanja do 24 sata.

c) Krivična djela protiv dostojanstva ličnosti i morala

Počinjeno je 12 krivičnih djela protiv dostojanstva ličnosti i morala, a ukupna rasvijetljenost je 91,7%. Od težih krivičnih djela iz ove skupine počinjena su 3 krivična djela „silovanje“, 4 krivična djela „spolni odnošaj s djetetom“ i 1 krivično djelo „rodoskrvnuće“. Prijavljeno je 10 lica od kojih 2 povratnika u vršenju krivičnih djela i 1 maloljetnik. Slobode su lišena 3 lica i određena im je mjera zadržavanja do 24 sata.

d) Krivična djela protiv braka, porodice i mladeži

Iz ove skupine krivičnih djela, počinjeno je 69 krivičnih djela, a rasvijetljenost je 100%. Za navedena krivična djela prijavljena su 74 lica od kojih 26 povratnika u vršenju krivičnih djela. Slobode je lišeno 27 lica i za sva je određena mjera zadržavanja do 24 sata.

U prvom polugodištu 2015. godine, na području Kantona zabilježeno je 80 slučajeva nasilja u porodici (89 u istom periodu prethodne godine). Žrtve nasilja su u najvećem broju slučajeva supruge, zatim roditelji i djeca. Počinioci nasilja su najčešće muževi, sinovi i očevi. Protiv počinitelja nasilja u porodici podneseno je 69 izvještaja tužilaštvu. Prijavljena su 74 lica, od kojih 26 povratnika u vršenju krivičnih djela. Od strane tužilaštva za 27 lica bila je određena mjera zadržavanja do 24 sata.

U ovoj oblasti kriminaliteta, uspostavljena je dobra saradnja sa centrima za socijalni rad, te Nevladinom organizacijom „Medica“ u cilju pružanja pomoći porodicama i žrtvama porodičnog nasilja i eventualnog smještanja žrtava u “sigurnu kuću”.

e) Zloupotreba opojnih droga

Od ukupnog broja krivičnih djela protiv zdravlja ljudi (100), sva se odnose na zloupotrebu droga (97 u istom periodu prethodne godine). Ukupna rasvijetljenost je 93%.

Iz ove skupine počinjena su 23 krivična djela "neovlaštena proizvodnja i stavljanje u promet opojnih droga". Za počinjenje ovih krivičnih djela prijavljena su 23 lica, od kojih je 15 povratnika u vršenju krivičnih djela i 1 maloljetnik. Slobode je lišeno 13 lica i za njih je određena mjera zadržavanja do 24 sata.

Počinjeno je i 77 krivičnih djela "posjedovanje i omogućavanje uživanja opojnih droga". Za počinjenje ovih krivičnih djela prijavljena su 93 lica od kojih 51 povratnik u vršenju krivičnih djela i 4 maloljetnika. Slobode je lišeno 61 lice i za sva je određena mjera zadržavanja do 24 sata.

U izvještajnom periodu policijski službenici su na području ZDK oduzeli sljedeće količine opojne droge: speed (1034,11 g), marihuana (1797,21 g), cannabis stabljika (57), cannabis sjemenke (1,35 g), kokain (0,86 g), extasy (11 tableta), heptanon (2 staklene bočice), džoint (2), te 549 komada raznih tableta (kamagra, viagra, cobra).

f) Privredni kriminalitet

Tokom izvještajnog perioda, na području Kantona je, u oblasti privrednog kriminaliteta, prijavljeno ukupno 150 krivičnih djela, a ukupna rasvijetljenost je 93,3%. Tužilaštvu su prijavljena 152 lica, od kojih 36 povratnika u vršenju krivičnih djela i 2 maloljetnika.

Od krivičnih djela protiv privrede, poslovanja i sigurnosti platnog prometa, koja su definisana Krivičnim zakonom FBiH, počinjeno je 8 krivičnih djela. Ukupna rasvijetljenost je 87,5%.

Od krivičnih djela protiv radnih odnosa, definisanih Krivičnim zakonom FBiH, u izvještajnom periodu su evidentirana 2 krivična djela koja su rasvijetljena, odnosno rasvijetljenost je 100%.

Od krivičnih djela protiv pravosuđa, definisanih Krivičnim zakonom FBiH, prijavljena su 3 krivična djela i ukupna rasvijetljenost je 100%.

Od krivičnih djela podmićivanja i krivičnih djela protiv službene i druge odgovorne dužnosti, definisanih Krivičnim zakonom FBiH, počinjeno je 20 krivičnih djela, a rasvijetljenost je 100%.

Od krivičnih djela iz skupine krivičnih djela protiv imovine koja imaju karakter privrednog kriminaliteta počinjeno je 39 krivičnih djela (KD prevara, KD iznuda i KD prikrivanje), čija je rasvijetljenost 84,6%.

Od krivičnih djela iz skupine krivičnih djela protiv javnog reda i pravnog prometa koja imaju karakter privrednog kriminaliteta počinjeno je 78 krivičnih djela (KD krivotvorenje isprave, KD posebni slučajevi krivotvorenja isprave, KD ovjeravanje neistinitog sadržaja), čija je rasvijetljenost 94,9%.

Nadležnom Kantonalnom tužilaštvu ZDK podneseno je 16 izvještaja o počinjenim krivičnim djelima i otkrivanju počinilaca protiv 33 fizička i 3 pravna lica zbog počinjenja 43 krivična djela. Tužilaštvu je takođe dostavljen 21 izvještaj o izvršenim provjerama i uzeto je 268 pismenih izjava na zapisnik.

g) Krivična djela protiv imovine

U prvih šest mjeseci ove godine počinjeno je 867 krivičnih djela protiv imovine, a ukupna rasvijetljenost je 49,6%. Za počinjenje ovih krivičnih djela, nadležnom tužilaštvu su prijavljena 543 lica, od kojih 253 povratnika u vršenju krivičnih djela i 50 maloljetnika. Slobode je lišeno 131 lice, a za 129 je određena mjera zadržavanja do 24 sata.


Jedno od težih krivičnih djela iz navedene skupine su krivična djela „teške krađe“. U izvještajnom periodu je evidentirano 425 "teških krađa", čija je ukupna rasvijetljenost 36,2%. Za počinjenje ovih krivičnih djela prijavljeno je 221 lice, od kojih 29 maloljetnika i 135 povratnika u činjenju krivičnih djela. Slobode su lišena 82 lica, od kojih je za 80 određena mjera zadržavanja do 24 sata.

Uporedni podaci o teškim krađama

Period	Broj krivičnih djela	Po poznatom	Po nepozna- tom	Rasvijetlj. po nepozna- tom	Procenat rasvijetlj.	Ukupna rasvijetlj.	Procenat ukupne rasvijetlj.	Broj prijavljenih	Malolje- tnici	Povratnici
Januar -juni 2013. godine	726	13	713	269	37,7%	282	38,8%	347	34	212
Januar -juni 2014. godine	585	20	565	215	38,1%	235	40,2%	306	30	173
Januar -juni 2015. godine	425	2	423	152	35,9%	154	36,2%	221	29	135

Broj teških krađa počinjenih tokom prvog polugodišta 2015. godine manji je u odnosu na isti period prethodne godine za 160 krivičnih djela ili 27,4%.

Tabelarni prikaz krivičnih djela teške krađe



U krivična djela „teške krađe“ spadaju, pored ostalog, i krađe putničkih motornih vozila, krađe iz putničkih motornih vozila, krađe iz kuće i stanova i krađe iz privrednih i poslovnih objekata.

U izvještajnom periodu, ukupno su ukradena 24 automobila (37 u istom periodu prethodne godine). Zahvaljujući sprovedenim akcijama policije, u posmatranom periodu je pronađeno ukupno 10 automobila, rasvijetljena je 1 krađa automobila, za koju je tužilaštvu prijavljeno 1 lice, inače povratnik u činjenju krivičnih djela. Lice je

lišeno slobode i određena mu je mjera zadržavanja do 24 sata.

Na području Kantona su evidentirane 54 teške krađe iz automobila (76 u istom periodu prethodne godine) sa pričinjenom materijalnom štetom od 13.020,00 KM, zatim 169 teških krađa iz kuća i stanova (230 u istom periodu prethodne godine) sa materijalnom štetom od 170.140,00 KM i 135 teških krađa iz poslovnih objekata (175 u istom periodu prethodne godine) sa ukupnom materijalnom štetom od 180.185,00 KM.

Od težih krivičnih djela iz skupine krivičnih djela protiv imovine treba izdvojiti krivična djela „razbojništva“ kojih je u izvještajnom periodu počinjeno 45, a ukupna rasvijetljenost je 40%.

h) Krivična djela protiv okoliša, poljoprivrede i prirodnih dobara

Iz ove skupine krivičnih djela, prijavljena su 82 krivična djela, a ukupna rasvijetljenost je 90,2%. Sva krivična djela iz ove skupine su bila krivična djela „šumske krađe“, a rasvijetljeno je i 1 krivično djelo „protuzakoniti lov“ iz prethodnog perioda. Za počinjenje ovih krivičnih djela nadležnom tužilaštvu je prijavljeno 95 lica od kojih 49 povratnika u vršenju krivičnih djela i 1 maloljetnik. Slobode je lišeno 1 lice i određena mu je mjera zadržavanja do 24 sata.

Po akciji „Šuma“, koja je na području ZDK zavedena u saradnji sa Kantonalnom upravom za šumarstvo, za prvih 6 mjeseci 2015. godine ukupno je oduzeto 103,79 kubnih metara drvene mase, te je podneseno 20 izvještaja Kantonalnom tužilaštvu ZDK o izvršenom krivičnom djelu protiv 20 lica. U 12 slučajeva je oduzeta drvena masa količina manjih od 2 kubna metra, što je predato na postupanje KUŠ ZDK, te su protiv počinilaca podnesene prekršajne prijave.

i) Krivična djela protiv opće sigurnosti ljudi i imovine

Počinjena su ukupno 42 krivična djela protiv opće sigurnosti ljudi i imovine, a rasvijetljenost je 61,9%. Za krivična djela iz navedene skupine prijavljeno je 31 lice od kojih 14 povratnika u vršenju krivičnih djela. Slobode su lišena 22 lica i određena im je mjera zadržavanja do 24 sata.

Iz ove skupine krivičnih djela, počinjena su 32 krivična djela „izazivanje opće opasnosti“ i 5 krivičnih djela „teška krivična djela protiv opće sigurnosti ljudi i imovine“.

Tokom prvog polugodišta 2015. godine, evidentirana su 4 slučaja bacanja eksplozivnih naparava, i to na područjima PS Breza (2), PS Maglaj (1) i PS Visoko (1). Prilikom aktiviranja eksplozivne naprave (ručne bombe) u općini Maglaj 2 lica su zadobila tjelesne povrede konstatovane u Kantonalnoj bolnici Zenica. Osumnjičeni je lišen slobode, te je Kantonalnom tužilaštvu ZDK podnesen izvještaj o počinjenom krivičnom djelu. U ostalim slučajevima povrijeđenih nije bilo.

j) Krivična djela protiv sigurnosti javnog prometa

U prvih šest mjeseci ove godine počinjeno je 66 krivičnih djela protiv sigurnosti javnog prometa, a rasvijetljenost je 100%. Za ova krivična djela prijavljeno je 77 lica od kojih 10 povratnika u činjenju krivičnih djela i 1 maloljetnik. Slobode je lišeno 11

lica, i za sva je određena mjera zadržavanja do 24 sata.

k) Krivična djela protiv javnog reda i pravnog prometa

Zabilježeno je 157 krivičnih djela protiv javnog reda i pravnog prometa, a rasvijetljenost je 86,6%. Za ova krivična djela prijavljena su 162 lica, od kojih 62 povratnika u činjenju krivičnih djela i 2 maloljetnika. Slobode je lišeno 39 lica i određena im je mjera zadržavanja do 24 sata.

l) Ostala krivična djela

Prijavljeno je 12 krivičnih djela okarakterisanih kao “krivična djela iz drugih posebnih zakona”, čija je rasvijetljenost 100%. Za ova krivična djela nadležnom tužilaštvu je prijavljeno 20 lica, od kojih 12 povratnika u činjenju krivičnih djela. Slobode je lišeno 13 lica i određena im je mjera zadržavanja do 24 sata. Sva navedena krivična djela se odnose na krivična djela prema Zakonu o nabavljanu, držanju i nošenju oružja i municije.

2. 3. BEZBJEDNOST SAOBRAĆAJA

U prvih šest mjeseci 2015. godine evidentirane su 2.163 saobraćajne nezgode. Smrtno je stradalo 13 lica, dok je povrijeđeno 449, od kojih 100 teže i 349 lakše.

***Stanje u oblasti bezbjednosti saobraćaja u prvom polugodištu 2015. godine,
po policijskim stanicama/upravama***

PODRUČJE	Broj saobraćajnih nezgoda	Lakše povrijeđeni	Teže povrijeđeni	Smrtno stradali
PU I (ZENICA)	944	97	19	2
PS VISOKO	241	60	13	2
PS KAKANJ	218	29	10	-
PS BREZA	53	4	4	2
PS ZAVIDOVIĆI	101	20	6	1
PS MAGLAJ	93	17	20	1
PS ŽEPČE	150	23	11	1
PS TEŠANJ	234	45	13	1
PS USORA	24	18	-	2
PS DOBOJ JUG	25	13	1	1
PS OLOVO	52	15	2	-
PS VAREŠ	28	8	1	-
UKUPNO	2. 163	349	100	13

Najveći broj saobraćajnih nezgoda je evidentiran na području PU Zenica (944), a najmanji na području PS Usora (24).


**Stanje bezbjednosti saobraćaja u periodu januar - juni 2015. godine
sa uporednim podacima iz dvije prethodne godine**

Period	Broj saobraćajnih nezgoda	Broj lakše povrijeđenih lica	Broj teže povrijeđenih lica	Broj smrtno stradalih lica
Januar – juni 2013. god.	2.018	328	82	17
Januar – juni 2014. god.	1.988	312	74	9
Januar–juni 2015. god.	2.163	349	100	13

Kako se vidi iz prethodne tabele, u oblasti bezbjednosti saobraćaja, u prvom polugodištu 2015. godine broj saobraćajnih nezgoda je veći za 175 nezgoda ili 8,8%, broj teže povrijeđenih lica je veći za 26 lica ili 35,1%, broj lakše povrijeđenih lica je veći za 37 lica ili 11,9%, dok su smrtno stradala 4 lica više nego u istom periodu prethodne godine.

Uzroci većine saobraćajnih nezgoda su bili nepoštivanje saobraćajnih propisa, odnosno brzina neprilagođena uslovima puta, vožnja pod dejstvom alkohola, te u zimskim mjesecima klizavi putevi.

Grafički prikaz broja saobraćajnih nezgoda



Saobraćajne nezgode i nastradala lica prema kategoriji puta sa uporednim podacima

		Broj saobraćajnih nezgoda			Posljedice saobraćajnih nezgoda								
					Smrtno stradala lica			Teže povrijeđena lica			Lakše povrijeđena lica		
		I – VI 2013.	I – VI 2014.	I – VI 2015.	I – VI 2013.	I – VI 2014.	I – VI 2015.	I – VI 2013.	I – VI 2014.	I – VI 2015.	I – VI 2013.	I – VI 2014.	I – VI 2015.
Kategorija puta	Magistralni putevi	307	325	383	4	2	7	21	25	33	60	76	97
	Regionalni putevi	239	270	256	6	4	2	15	9	23	67	62	69
	Lokalni putevi	321	311	305	3	1	3	19	17	25	79	63	64
	Ulice u naselju	998	840	1.008	2	1	-	26	20	16	104	89	105
	Ostalo	153	242	211	2	1	1	1	3	3	18	22	14
UKUPNO		2.018	1.988	2.163	17	9	13	82	74	100	328	312	349

Iz prezentiranih podataka se može vidjeti da je, u odnosu na isti period prethodne godine, povećan broj saobraćajnih nezgoda na magistralnim putevima (za 17,8%) i u ulicama u naseljima (za 20%), dok je smanjen na regionalnim putevima (za 5,2%) i na lokalnim putevima (za 1,9%), kao i na ostalim mjestima (za 12,8%).

Teže posljedice saobraćajnih nezgoda su povećane na magistralnim putevima, dok su smanjene u ulicama u naseljima.

Od ukupnog broja nastradalih lica, 216 je vozača, 161 su bili putnici u vozilima, a 85 pješaci. Smrtno je stradalo 9 vozača, 2 putnika u vozilima i 2 pješaka.

Radi poboljšanja stanja u oblasti bezbjednosti saobraćaja, policijski službenici su za počinjene prekršaje i krivična djela u saobraćaju sankcionirali ukupno 42.190 učesnika u saobraćaju, što je za 12.592 učesnika ili 42,5% više nego u istom periodu prethodne godine.

***Aktivnosti policije u oblasti bezbjednosti saobraćaja tokom prvih šest mjeseci
2015. godine u poređenju sa istim periodom iz dvije prethodne godine***

Red. br.	Aktivnosti policije u oblasti bezbjednosti saobraćaja	Januar – juni 2013. godine	Januar – juni 2014. godine	Januar – juni 2015. godine
1.	Kontrolisano vozila/vozača	71.599	54.818	80.860
2.	Kontrolisano lica u vozilima	19.420	10.107	11.988
3.	Podneseno krivičnih prijava zbog izvršenih KD ugrožavanja bezbjednosti saobraćaja	75	59	66
4.	Podneseno zahtjeva za pokretanje prekršajnog postupka	270	138	1.089
5.	Broj izdatih prekršajnih naloga	38.343	29.401	41.035
6.	Isključeno vozila iz saobraćaja zbog tehničke neispravnosti	201	64	160
7.	Zatečeno vozača pod dejstvom alkohola	1.920	1.368	2.103
8.	Zatečeno vozača bez položenog vozačkog ispita	492	405	593
9.	Zatečeno vozača pod izrečenom zaštitnom mjerom zabrane upravljanja motornim vozilima	32	23	46
10.	Zatečeno vozača bez korištenja sigurnosnog pojasa	1.514	811	1.704
11.	Zatečeno vozača koji koriste mobilni telefon tokom vožnje	193	102	263
12.	Otkriveno vozila bez važeće registracije	684	620	963

U izvještajnom periodu fiksni radari Šije (Tešanj), Goliješnica (Žepče) i Donja Vraca (Zenica) evidentirali su ukupno 38.566 prekršaja. Od tog broja, 14.529 prekršaja počinili su vozači koji su upravljali vozilima sa BiH registarskim tablama i za novčanu naplatu ukupan iznos je 541.910,00 KM. Vozači koji su upravljali vozilima stranih registarskih oznaka počinili su 24.037 prekršaja i ukupna moguća naplativost ovih prekršaja je 942.990,00 KM.

Broj prekršaja evidentiranih stacionarnim radarima i njihova moguća naplativost

	Vozila sa BiH registarskim tablicama		Vozila sa stranim registarskim tablicama	
	Broj prekršaja	Iznos za naplatu	Broj prekršaja	Iznos za naplatu
Januar - juni 2013. godine	10.965	404.580,00 KM	18.395	695.090,00 KM
Januar – juni 2014. godine	10.488	396.510,00 KM	17.463	642.310,00 KM
Januar – juni 2015. godine	14.529	541.910,00 KM	24.037	942.990,00 KM

U prvih 6 mjeseci 2015. godine, na području Kantona zavedeno je 17 akcija pojačane kontrole učesnika u saobraćaju i to: Tehnička ispravnost motornih vozila (2), Prisustvo alkohola u organizmu vozača (3), Kontrola posjedovanja i korištenja odgovarajuće zimske opreme (2), Mirujući saobraćaj (4), Zloupotreba registarskih tablica i važnosti registracije vozila (2), Zloupotreba registarskih tablica i važnosti registracije vozila i kontrola prisustva alkohola u organizmu vozača (2), Korištenje mobilnog telefona i sigurnosnog pojasa (1) i Kontrola vozila koja vrše prevoz za vlastite potrebe (1).

U vezi sa narušenom bezbjednosnom situacijom na području općine Visoko, policijski službenici su poduzimali aktivnosti na kontroli i vršenju poslova regulacije saobraćaja, pregleda lica i objekata te rada na punktu uz angažiranje dodatnih policijskih snaga o čemu je sačinjen Operativni plan o pojačanim mjerama i radnjama. Naime toga, 17.06.2015. godine, shodno Planu Uprave policije MUP-a ZDK, na području PS Visoko urađene su operativno taktičke mjere i radnje racije, a zatim i blokada grada na tri kontrolne pozicije. Tom prilikom zaustavljeno je 331 vozilo od čega je 135 vozila pregledano (po članu 25. Zakona o policijskim službenicima) i izvršen je pregled ukupno 394 lica.

2. 4. NAPADI NA POLICIJSKE SLUŽBENIKE

Tokom prvog polugodišta 2015. godine, evidentirano je 5 napada na policijske službenike (42 u istom periodu prethodne godine), od kojih 4 pojedinačna i 1 grupni napad sa dva udružena lica.

Napadi su se desili prilikom održavanja ili uspostavljanja narušenog javnog reda i mira (2), prilikom kontrole saobraćaja (1), prilikom pružanja asistencije (1) i prilikom poduzimanja ostalih radnji iz nadležnosti policije (1). Napadi su se desili uz upotrebu fizičke snage (4) i uz korištenje raznih oruđa i drugih predmeta (1), od strane 5 punoljetnih i 1 nn napadača.

Posljedice napada su 5 lakše povrijeđenih policijskih službenika. Protiv napadača su podnesena 3 izvještaja nadležnom tužilaštvu i 1 zahtjev za pokretanje prekršajnog postupka.

2. 5. PREGLED PODATAKA O ORUŽJU

U izvještajnom periodu je oduzeto slijedeće nelegalno posjedovano oružje: 2 automatske puške, 1 poluautomatska puška, 20 lovačkih pušaka i 4 puške raznih vrsta, zatim 53 pištolja, 47 komada hladnog oružja, 7 boksera, 35 komada drugih predmeta podobnih za nanošenje tjelesnih povreda i 865 komada municije.

Dobrovoljno je predato: 1 automatska puška, 9 ručnih bombi, 2 komada municije za PAT i PAM i 60 komada municije.

Izdato je 606 odobrenja za nabavljanje oružja za fizička lica (647 u istom periodu prethodne godine). Izdat je 671 oružni list, te izvršeno 279 zamjena oružnih listova za fizička lica. Izdato je 1 odobrenje za držanje oružja za pravna lica, te 3 odobrenja za držanje trofejnog oružja. Oduzeto je 135 komada oružja u upravnom postupku i izdato 155 odobrenja za nabavku municije.

2. 6. POŽARI I EKSPLOZIJE

Inspektorat MUP-a ZDK je vršio uviđaj na 45 požara, od kojih 15 bilo na stambenim objektima, 13 na saobraćajnim sredstvima, 6 u pomoćnim objektima, 5 u poslovnim prostorima, 3 u magacinima i skladištima i 3 požara sijena.

Požari su u 31 slučaju bili izazvani podmetanjem, u 11 slučajeva tehničkim nedostatkom, u 2 slučaja nehatom, a u 1 slučaju uzrok požara nije utvrđen.

Posljedice požara su neutvrđena materijalna šteta.

U izvještajnom periodu evidentirana je 1 tehnička eksplozija na stambenom objektu, a uzrok je bio tehnički nedostatak.

Požari i eksplozije za posljedicu su imali neutvrđenu materijalnu štetu.

3. ZAKLJUČAK SA PRIJEDLOGOM MJERA

Bezbjednosna situaciju tokom prvog polugodišta 2015. godine prezentirana je kroz pregled stanja javnog reda i mira, kriminaliteta, bezbjednosti saobraćaja i drugih parametara u odnosu na isti period prethodne godine.

U oblasti javnog reda i mira, broj prekršaja je manji za 136 ili 9,5%. Broj prekršaja tučom je manji za 51 prekršaj ili 10,8%, broj prekršaja naročito drskim ponašanjem je veći 16 prekršaja ili 5,2%, broj prekršaja omalovažavanjem policijskih službenika je manji za 28 prekršaja ili 21,5%, te je broj povrijeđenih lica u prekršajima manji za 23,8%. Prekršaja javnog reda i mira u većem obimu nije bilo.

U oblasti kriminaliteta, broj krivičnih djela je manji za 137 ili 8,2%. Rasvijetljenost po nepoznatom počiniocu je veća za 0,3%, dok je ukupna rasvijetljenost krivičnih djela manja za 1%. Broj teških krađa je manji za 160 ili 27,4%. Evidentirano je 1 krivično djelo "ubistvo" koje je rasvijetljeno.

U oblasti bezbjednosti saobraćaja, broj saobraćajnih nezgoda je veći za 175 nezgoda ili 8,8%. Smrtno su stradala 4 lica više nego u istom periodu prethodne godine, broj teže povrijeđenih lica veći je za 26 ili 35,1%, dok je broj lakše povrijeđenih veći za 37 ili 11,9%. Radi poboljšanja stanja u oblasti bezbjednosti saobraćaja, policijski službenici su znatno povećali represivne mjere na terenu, te je za počinjene prekršaje i krivična djela u saobraćaju sankcionirano 42,5% više učesnika u saobraćaju nego u istom periodu prethodne godine.

Analiziranjem stanja bezbjednosti, može se zaključiti da je policija poduzimanjem ukupnih aktivnosti u toku prvog polugodišta 2015. godine, uspjela bezbjednosnu situaciju učiniti zadovoljavajućom. Na nivou Ministarstva unutrašnjih poslova Zeničko-dobojskog kantona i ubuduće će se raditi na intenzivnijoj kontroli i nadzoru izvršavanja svih poslova i zadataka iz vlastite nadležnosti.

3. 1. Mjere u oblasti javnog reda i mira

- o Ministarstvo će poduzimati mjere prema licima sklonim narušavanju javnog reda i mira, kao i pojačati aktivnosti nadzora nad licima koja se pojavljuju kao povratnici u činjenju prekršaja javnog reda i mira.
- o Takođe će se pojačati pozorničko-patrolna aktivnost u svrhu preventivnog djelovanja, odnosno otkrivanja i sprječavanja svih djela koja bi mogla imati elemente ugrožavanja opće sigurnosti ljudi i imovine.
- o Nastavit će se aktivnosti na pružanju asistencija inspekcijskim organima, na kontroli rada ugostiteljskih objekata, posebno u pogledu poštivanja općinskih odluka o javnom redu i miru.
- o Posebna pažnja će se obratiti na kretanje maloljetnih lica u noćnim satima bez pratnje roditelja ili staratelja.
- o Ministarstvo će nastaviti aktivnosti na obezbjeđenju svih javnih skupova na području Kantona (sportskog, kulturnog, vjerskog ili nekog drugog karaktera).
- o Saradivati će se sa agencijama za zaštitu ljudi i imovine u okviru zakonskih nadležnosti i ovlaštenja, radi razmjene bezbjednosnih saznanja.

3.2. Mjere u oblasti kriminaliteta

- o Pripadnici Ministarstva postupat će u skladu sa procjenom stanja bezbjednosti i u skladu sa Akcionim planom mjera i radnji Uprave policije MUP-a ZDK za 2015. godinu, kojim su planirane mjere i radnje koje će se poduzimati po najtežim krivičnim djelima ubistva, razbojništva, teških krađa, iznuda, ucjena, navođenja na prostituciju, nasilja u porodici, neovlaštene proizvodnje i stavljanja u promet opojnih droga, posjedovanja i omogućavanja uživanja opojnih droga, izazivanja opće opasnosti itd.
- o Sprovodit će se aktivnosti u vezi sa realizacijom dopuna planova rada za rasvjetljavanje svih neriješenih ubistava iz proteklih godina i otkrivanja počinitelja teških krivičnih djela koja ugrožavaju osjećaj sigurnosti građana.
- o Nastavit će se aktivnosti po predmetima iz oblasti privrednog kriminaliteta, prije svega kada je riječ o zloupotrebama prilikom privatizacije poduzeća, te zloupotreba i nepravilnosti prilikom odobravanja i podizanja kredita.
- o Nastavit će se aktivnosti mobilnih timova, u svrhu otkrivanja predmeta iz krivičnih djela, predmeta pogodnih za počinjenje krivičnih djela, nezakonito posjedovanog oružja i eksplozivnih materija, droga i sl.
- o Takođe, nastaviti će se aktivnosti na realizaciji mjera iz programa prevencije maloljetničke delinkvencije na području ZDK.
- o Nastavit će se saradnja sa svim agencijama za sprovođenje zakona, kao i drugim institucijama (Državna agencija za istrage i zaštitu – SIPA, FMUP, MUP-ovi drugih kantona i MUP RS), kao i sa Tužilaštvom BiH, Federalnim i Kantonalnim tužilaštvom, Kazneno popravnim zavodom Zenica, Ministarstvom pravde, Kantonalnom upravom za inspekcijske poslove, Ministarstvom zdravstva itd.

3. 3. Mjere u oblasti bezbjednosti saobraćaja

- o U skladu sa stručno-analitičkom procjenom stanja, na osnovu broja saobraćajnih nezgoda i posljedica koje su nastupile, Ministarstvo će obezbijediti intenzivniju kontrolu na svim kategorijama puteva i ostvariti potpuniju kontrolu pojedinih kategorija učesnika u saobraćaju.

- o Takođe, intenzivirat će se rad i zavoditi akcije sa ciljem poduzimanja represivnih mjera prema vozačima, počiniocima prekršaja, koji su najčešće uzrok saobraćajnih nezgoda (brzina, alkohol, tehnička neispravnost, odstojanje i sl.).
- o Nastavit će se rad sa radarskim sistemima, te sa specijalnim vozilom "ProVida", a u vezi sa prekoračenjem brzine i preticanjem na mjestima gdje je to zakonom zabranjeno.
- o I dalje će se poduzimati mjere i aktivnosti na kontroli mirujućeg saobraćaja.
- o Ministarstvo će posvetiti još veću pažnju kontroli i praćenju prevoza opasnih materija i poduzimati potrebne mjere u svim slučajevima kada se utvrde određeni propusti.
- o Vršit će se provođenje zaštitne mjere oduzimanja vozila kojima se učestalo vrše prekršaji i krivična djela, a radi zaštite javne sigurnosti, kako je predviđeno članom 31. Zakona o prekršajima FBiH, članom 79. ZKP FBiH i članom 22. Zakona o policijskim službenicima ZDK, te zahtijevati od nadležnih općinskih sudova donošenje rješenja o postupanjima sa predmetnim vozilima.
- o Obim kontrole saobraćaja će se stalno usklađivati sa vrstom i značajem puta, stanjem bezbjednosti na pojedinim putnim dionicama, učestalošću i strukturom prekršaja, kao i vremenskim uslovima.
- o Vršit će se praćenje i analiziranje efikasnosti kaznene politike i uticaj izrečenih sankcija na unapređenje bezbjednosti saobraćaja.
- o Poduzimat će se mjere na što dosljednijoj realizaciji posebnih programa o osposobljavanju policijskih službenika, kao i programu modernizacije i opremanja saobraćajnih patrola radarskim sistemima, alkometrima, kao i video i komunikacijskom opremom za dokumentiranje događaja, odnosno prekršaja.
- o Takođe, pratit će se stanje infrastrukture saobraćajnica, te u skladu s tim će se vršiti kontrola i regulacija saobraćaja, a o uočenim nedostacima sačinjavati informacije i dostavljati nadležnim strukturama.

Broj: 08-02/2_____/15

Dana: 17.08.2015. godine.

MINISTAR

Hajrudin Žilić